

Kontuola

ANTZUOLA / Egubakoitza / 2004eko urriaren 15a / 218. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02


Euskararen Erabilera Normalizatzeko Plana onartu berri du udalbatzarrak

AINTZANE IRIZAR

Udalerri Euskaldunen Mankomunitateak (UEMA) Antzuolako Udalarendako egin duen Euskararen Erabilera Normalizatzeko Plana onartu egin du udalbatzarrak, urriko osoko bilkuran. Parte hartu zuten zinegotzi guztiek aldeko botoa eman zioten proposamenari.

Orain dela urte eta erdi, 2003ko apirilean, hain zuzen ere, sartu zen Antzuolako Udala UEMAn, Udalerri Euskaldunen Mankomunitatean. Mankomunitate horretan sartzen diren udalei, euskararen erabilera normalizatzeko plana egiten die UEMAK. Antzuolaren kasuan ere horixe egin dute, eta urriko osoko bilkuran onartu zuen Udalak plana.

Euskararen Erabilera Normalizatzeko Plana Udalerako egiten da; horrela, helburua lortzeko hiru ildo nagusi zehaztu dira: herritarrekiko harremanetan euskara zerbitzu hizkuntza bezala erabiltzea bermatzea; euskara beste administrazioekiko harremanetarako hizkuntza izatea bermatzea eta administrazio bärneko lan hizkuntza euskara izatea bermatzea.



Udalan euskararen erabilera bultzatzea da planaren helburua.

Hiru helburu horiek betetzeko hainbat irizpide zehazten ditu planak; hala nola, herrian zabaldu beharreko agiriak euskaraz argitaratzea, langileak etengabe prestatzea euskarari dagokionez, kontratatutako enpresek euska-

razko zerbitzua emango dutela ziurtatzea, beste erakundeekiko harremanetan euskarazko dokumentazioa erabiltzea eta hiri-gintzako baimenak euskaraz ematea, besteak beste.

Oraingo hau, baina, ez da Uda-

lak abian jartzen duen lehenengo plana. 1989an Euskararen Udalen Ordenantza onartu zuten. Geroago, 1995ean, hain zuzen ere, Bergarako Udalarekin batera, AEBE normalizazio plana garatu zuten, hiru urtean zehar.

HERRITARREN HITZA / Mikel Larrea • Udal langilea

Une historikoak

Une historikoak bizi ditugu Euskal Herriaren etorkizunerako". Gure politikoen ahotik etengabe entzuten dugun esaldia da. Baina egia esanda, asko kostatzen zaigu gertaera sozio-politikoak gure herriaren etorkizunean duten inplikazioa nabaritzea.

Agian, irailaren 11ko edo martxoaren 11ko atentatuek, edota Irakeko gerrak, munduaren norabidea aldatu dute, baina gutariko askoren bizimodu leku txikiko hautestontzi batek blindatuta edo babestuta jarraitzen du, non bakarrik eguneroko arazo txikiak duten

lekua: hilaren amaierara heltzeak, osasun arazoek, bikote harremanek, familia arazoek edo baita Errealaren egoerak ere.

Ez dago bestelako buruhaustetarako lekurik; gure mundu txikia arazo pertsonalez inguratuta dago, eta honek gizartearen eragina duten benetako arazozen pertzepzioa eragozten du.

Dena den, gure arazo txikien zergatiak aztertze-



"Proposamenak ulertu eta iritzia emateko gaitasuna izan behar dugu"

beharrezko adimen gaitasuna eskuratu behar dugu, eta kontzientek izan behar gara arazo horietako askoren jatorria gizartearen osasun politikoan dagoela.

Estutzen gaituen kristalezko hautestontzia puskatu egin behar dugu, eta eguneroko arazoaren gainetik zer dagoen ikusi.

Era horretan, arazoak konpontzeko bidean partehartzaile aktiboak izan gaitzeko.

Benetako gizarte demokratikoa lortzea nahi baldin badugu, horretarako konpromisoa hartu behar dugu. Alderdi politikoak, gobernuak edota lehendakariak aurkeztutako proposamen ezberdinak ulertu eta iritzia emateko gaitasun pertsonala izan beharko genuke, aurkezten duenaren sinpatiak edo antipatiak guregan izan dezakeen eragina alde batera utzita.

Horrela bakarrik sinistu eta ulertu ditzakegu, benetan une edo garai historikoak bizi ditugula Euskal Herriaren etorkizunerako.

LABUR

Ping-pong txapelketa Gaztegunean

Gaztegunean ping-pong mahaia jarri berri dute, eta txapelketa antolatu nahi dute. Asteburu honetan egongo da izena emateko aukera. Bestalde, oraingo zapaturako iragarrita zegoen hanka-paloean ikastaroa atzeratu egin dute la adierazi digute Gazteguneko arduradunek.

Hurtzaindegirako izena emateko epea luzatu dute

Aurreko asteko egubakoitzean, hilak 8, bukatu zen hurtzaindegirako izena emateko epea. Ume gutxi aurrematrikulatu dira, eta oraindik badaigo lekua. Hori ikusita, Udaleko arduradunek erabaki dute aurrematrikulazio epea luzatzea. Udaletxean duzue izena emateko aukera.

'Idatziak' liburuxka eskuragarri dago Antzuolan ere

Idatziak. Etxejabeen komunitateetako agiriak liburuxka kaleratu berri dute Mankomunitateak eta udaletako euskara zerbitzuek. Antzuolan, atari bakoitzeko ale bat banatuko dute; dena dela, liburuxka gehiago nahi izanez gero, udaletxeko bulegoetara jo dezakezue bila.

Erretiratuen irteerarako izena emateko aukera

Gaur, egubakoitza, erretiratuen irteerarako izena emateko azkeneko eguna duzue, 18:00etatik 20:30era egongo dira txartelak salgai, erretiratuen elkartean, 24 euroren truke. Hilaren 21ean, eguena, Bilbora egingo dute irteera; ondoren, Trapagara joango dira eta arratsaldean Bilbora itzuliko dira.

ELKARRIZKETA

JESUS ETXEBERRIA/BIDEO-ZALEA

“Kultur ekitaldiak grabatu izan ditut, batez ere”

Al.
Hamalau urte daramatza Jesusek herriko ekitaldiak bideoan grabatzen. Orain, Udalak hala eskatuta, grabazio guztiak 60 DVDtan antolatu ditu. Udal Liburutegian jarriko dituzte DVD horiek, herritarren eskura.

Gogoratzen duzu erosi zenuen lehendabiziko bideo kamera?

Bai, horixe; nahikoa kamera ona zen, orduko formatuan. Super VHS kamera bat zen. Oraingoe-kin alderatuta, noski, kalitate eskasagoko irudiak hartzen zituen. Hamar bat urtean ibili nintzen kamera harekin.

Zergatik, zerk bultzatuta, erosi zenuen lehendabiziko kamera hura?

Urte hartan, 1990. urtean, hain zuzen ere, gure semeak eta ilobak lehenengo jaunartzea egin behar zuten, eta horrexegatik erosi nuen. Aurretik nenbilen kamera bat erosteko gogoarekin, beti erakarri izan nau mundu horrek, baina, azkenean, jaunartzeagatik erosi nuen. Eta jaunartzean, hain

justu, egin nuen lehendabiziko grabazioa ere. Lehenengoa izateko, nahiko lan txukuna ateratziz zaidan.

Hamalau urteotako grabazio guztiak 60 DVDtan batu dituzu. Lan handia egin duzu.

Ikaragarriko lana eman dit, bai; iaz bukatzekoa nintzen eta, azkenean, aurtun bukatu dut. Tarte-ka, denbora librean neukanean, egiten nuen lana. Analogikotik digitalera aldatu behar izan ditut grabazio guztiak; grabagailu berrira pasatu irudiak, handik ordenadorera sartu eta programa batekin moldaketak egin ondoren, DVDra pasatu. Lan handia izan dut.


Zer ikusi ahal izango dugu DVD horietan?

“Gure semeak eta ilobak jaunartzea egin behar zutelako erosi nuen nire lehenengo kamera”

Denetik pixka bat, baina, batez ere, kultur ekitaldiak eta horrelakoak. Herriko jaiak, auzoetakoak, Udalak antolatutako kultur ekitaldiak... Baina, baita herrian gertatu diren hainbat gauza ere. Liburutegian jarriko dituzte DVDak, herritarrek maileguan har ditzaten. Ilusioa egingo dizu herritarrek zure lana ikusi ahal izateak, ezta?

Bai, horixe; dena dela, politena da ikustea urtetik urtera zelako aldaketak egon diren. Jendea, kaleak... aldaketa handiak egon direla ikusten da bideoetan. Grabatzen ibiltzen naizenetan, jendea kexatu izan da eta ez grabatzeko eskatu, baina, denborarekin, balioa hartzen dute irudiek. Anekdotak izango dituzu.

Ez zait sekula ahaztuko erleak eskola aurrean egon zirenekoa. Tomas Kortabarria etorri zen erlea kentzera, eta ni han ibili nintzen grabatzen, gorputz guztia erlez beteta neukala. Orain pentsatzen jarrita, ez dut ulertzen zela ausartu nintzen hori egitera. Baina, nik beti pentsatzen dut: “Hau ez da berriro inoiz gertatuko eta grabatu egin behar dut”.



Webgunea, ingelesez ere bai

Antzuolako Udalak duen webgunea, ingelesez ere irakurri ahal izango da hemendik aurrera. Hasieran, euskaraz eta gazteleraz bakarrik zegoen. Orain, atzeritarrek ere gure herriaren gaineko informazioa jaso ahal izango dute Internet bidez. Asteroko berriak, baina, ez dituzte ingelesez jarriko, orrialde finkoak bakarrik egongo dira hizkuntza horretan.

Adaki enpresak prestatu du ingelesezko bertsioa, eta Bitez enpresak egin ditu itzulpen lanak./A.I.

KIROLA

PARTIDUAK

FUTBOLA

Urriak 16
16:00: Antzuola-Ikasberri (Kadeteak)

EMAITZAK

FUTBOLA

Urki 0 Antzuola 2 (Erregionalak)
Urki 0 Antzuola 11 (Kadeteak)
Antzuola 4 Sto. Tomas 1 (Gazteak)
Almen 2 Antzuola 1 (Neskak)

PILOTA

Gipuzkoako Kluben Arteko Txap.
Olalde-Hernani (eskuz kad.) . . . 6-22

LEKY-BERRI MERENDEROA

Janariak eta edariak

Tf. 943 76 60 94
ANTZUOLA

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23

DEKORAZIOA

ABAD

PINTURAK
ANTZUOLA
PAPER PINTATUAK

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA